

在文川网搜索古籍书城 获取更多电子书  
入驻商家 dooiver 文川网 古籍书城

中國方志叢書·華北地方·第三五三號


據

清咸豐十年刊本  
清咸豐十年齡撰

影印

山東省

# 濱州志



5000/00

成文出版社有限公司印行



中國方志叢書·華北地方·第二五三號

據

清咸豐十年刊本  
清咸豐十年齡撰

影印

山東省

# 濱州志



成文出版社有限公司印行

220/100



\*10098521\*

中華民國六十五年 月臺一版

# 濱州志

全二册

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

濱州舊志序

古者侯國必有史官今之郡猶古侯國也邇來  
官闕焉博文之士紀其事而傳之曰志是後賢  
史之翼也故志曰賦而知公歛之厚薄志物產  
而知土壤之肥磽志宦跡而知吏治之隆污志  
人物而知士習之淳正風俗之澆淳紀實彰軌  
考古鏡今君子通變以酌其宜小人法守以修  
其業不出書契而治可興矣志弗修則事靡據

微顯闡幽之教晦而彰善舉惡之權輕由是善  
政無所於稽而注厝闡鄉評不足爲勸而趨向  
偷政忒風漓職此爲疾然則志非時之先務耶  
余承乏來州卽首詢故牒冀有所資鑑而盈縮  
整頓之也顧疎脫夢繆漫無全書請凡有關政  
理者皆畧而不悉乃日歷訪搜先年舊牘如  
田賦丁徭之類當時如何而舉後來如何而斂  
利有端緒可尋庶得其一二參以時勢爲之圖

酌次第施行之甫及期諸亦稍稍就理而郡志  
獨闕則後之視今又不猶今之視昔耶迺因郡  
俸胡君格誠之請督學憲公始下其狀於州於  
是敦延博士毛君似徐主其事據文獻之僅存  
酌土俗之所習而又採覈於士林諸彥考正於  
鄉薦紳大夫日刪月削越數月而告成焉爲卷  
凡若干條例凡若干詳而則要而約辯博而核  
庶幾哉足爲一郡之完書也後之蒞斯土者其

有所稽而運其轉移化導之術生斯土者其有  
所範而鼓其迅勵丕變之機由是上無紕政下  
有淳風而不佞亦可藉手以寡過矣因其梓成  
附著數語於篇端使覽者知志之所由成云  
萬曆十一年歲癸未冬十一月晦日知濱州事

臨川艾梅識



賓州舊志後序

賓州舊志二卷宏開一梓傳簡止五六十葉一筆  
而幾百葉皆出自張少司徒家藏久未遂所矢  
就因以托胡使君使君復及余余乃呈太守艾  
公又轉授之余增帙若干迺公亟命肆所所徵  
於諸生者以其命命之於衆說同異撮其梗要  
請裁於公公郢之錯綜參伍且告於薦紳先生  
曰是志也設餼材卽所捐俸焉嗟乎文獻不足

史無闕疑孔子蓋憐之而今而後吾知免夫不  
然前無所據後不足徵濱雖郁郁乎文如斯而  
已

訓導萊人毛似徐識

重修濱州志序

濱州舊有志，然多不全  
體裁且修自康熙四十四年  
迄今百五十五載，尚未修  
將何以信今而傳後予於

時仲夏奉

命來守武郡公暇重修郡志乃

歷百年未修者經年餘告  
成復取州志而修輯之損  
者損增者增越數月不覺

已有成稿矣致濱州代出人  
物自元有解侍讀學士請御  
史中丞至明有張薛二為書  
王氏二巡撫而杜氏尤多賢  
一甘肅巡撫一湖廣藩司一

河南參政已赫，乎盛矣。迨  
奉朝賢哲挺生，則更稱極盛。  
焉。文端公文正公橋梓迭  
興，一官至吏部侍郎，一官  
至協辦大學士，而後嗣昆

仲繼起一任戶部侍郎一  
任工部侍郎蒸馬將以  
紹前徽一門之盛甲於天  
下殆所謂地靈人傑者與  
茲志既成即郵寄京師呈

二侍郎鑒正後再付梓人  
爰書跋語而為之序

咸豐十年庚申歲夏五

禮日

必進士出身



誥授朝議大夫山東知武定府

江右李望齡撰



docsriver 文川网  
入驻商家 古籍书城

在文川网搜索古籍书城 获取更多电子书

--	--	--	--

濱州志

舊志凡例

一誌以傳信亦當闕疑郭公夏五春秋尙無其方故巨跡空桑之類并不承訛濫紀

一域內川澤景物今昔無改惟鬲津訛待駭茲據前賢家論考其故道蓋而正之

一城池學校衙署及諸公所詳其始建年月修繕姓名以識古今興革之由

一序記題咏分載各類之下以便披覽且正體裁

必其裨於地方切於時事者乃錄之他如感慨  
悲憤之作自寄其牢騷風雲月露之章雅適其  
情性概不收入

一典制之一定者備載以資考稽賦役則增汰不  
常紀其大畧皆以明州准所有事耳

一遠朝近代父母師保昆一良一教莫非甘棠大  
澤之遺悉存實錄既寄思慕更樹標格

一人材之產甲乙榜猶有定徵貢生則題名無稽  
未免掛漏

一元達者後學之師吾州薦紳先生或服官而致  
一勲猷或居鄉而著模範俱宜表其芳躅以存典  
型

一士君子生斯地也品行莫重於鄉評苟有一善  
可述事在耳目之前者不妨少爲區別分屬風  
屬

一閭閻艱貞窮鄉僻隅湮沒爲多故凡得於採聞  
者概登姓氏無去取也

一所傳記官廨以去任爲率士夫以蓋棺爲定既

遵義例亦避嫌疑惟節婦間載一二生者皆自首完名合宜表章者也

一宦績人物中容有事可傳而名無傳名雖傳而事無傳者闡發莫據徒有太息

一記載之詞或書事或表地或傳人祇取達意支蔓浮夸所不敢涉

賓州志

新志是例

一舊志止于康熙四十四年以後無致尚幸府志  
早已採訪刊行修輯頗易

一舊志太繁不當者概為刪正如列元代加封聖  
號以及典禮之多概刪之

一舊志止八卷茲有增益分為十二卷

一舊志列段干木臺又列其墓皆說以傳說據首  
志是段子明若段干木乃晉人斷其悞列茲從



之

一舊志貢監掛一漏萬殊可不必其有已登仕籍者概列文仕宦

一舊志題詠門有載州人知縣杜杲又州人劉燦查科甲副拔仕宦等門俱無此人可見舊志亦多遺漏惟出身無憑查致不敢增入仍缺之

一元代張德新濱州人任樂安尹列三尹祠而舊志各門無此人茲照青城志補入鄉賢傳但出身無憑查致不敢增入仍缺之

以上二條並附列文仕宦

一舊志序記題咏分載各類之下雖便披覽但人名不分年代且藝文志獨缺亦非善本茲概重正

一杜石樵先生所記載二十餘條并附入

一以後修府志凡濱州各門應照新修濱州志改正

正

一列女蘭氏孟隆妻周氏趙銘妻吳氏李克讓妻

皆三十一二歲守節不合例張氏杜彤輝妻生

受夫封守節例不准請旌皆奉部扣除府志未及改正

新例



漢州志 卷首



4

澤州志卷之一

方輿志

星野 沿革 形勝 附河海溝窪塘井 疆域 附鄉圖保甲鎮店市廛古蹟名景

禹奠山川一氣屬兗州之域周胙茅土封為濱海之

疆秦紀滎蒲以來已於三齊記盛漢屬溼沃而後

歷乎五代稱州星應危精地沿渤海涵滄溟而漚

諸水分疆界而近

神京鄉圖與保甲同登可見村民之生聚鎮店借市廛

齊記並知商賈之阜通秦臺雄鎮東偏葱葱鬱裏

兎嶺奇呈西部脉脉水中古蹟具有名景是附維

職方之是採賴編簡之無遺

星野

周禮保章氏掌天星以星土辨九州之地則女虛危  
在子寅齊之分野

晉天文志曰齊國入虛六度北海入虛九度濟南入  
危一度樂安入危四度

唐天文志須女虛危元枹也又於北斗屬機星於五  
星屬歲於律屬大呂

山堂考索云虛危齊分

明史天文志分野山東濟南府樂安德濱三州皆危  
分危十三度至奎一度陬訾之次也

舊濱州志曰濱去樂安止九十里所入星度應不相  
遠或謂濱入危三度似也星辰遠而難測必曲爲  
之說則鑿矣

謹案分野諸說不同去之亦易滋惑究之天道遠  
杳茫莫測兼之歷代郡縣更置不一躔度尤難揣  
合伏讀

欽定熱河志力闢分野之說則羣疑可以盡釋茲特仍前

docsriver 文川网  
入驻商家 古籍书城

在文川网搜索古籍书城 获取更多电子书

志姑列之以備覽

李熙齡識



沿革考

自唐虞迄秦而後輿地率多變更或名號之不一或隸屬之不同皆隨時而改源流幾難辨矣然總不能易民而治惟在司土者察成憲酌時宜以敷政耳漢州歷代互異渤海郡縣分并綦難用立考辨于後以俟識者定

唐虞為商首齊州之域

夏商為齊州地

周春秋戰國屬齊地